



AMANAT ... Taufiq ketika menyampaikan ucapan.

UMS komited tingkat prestasi penyelidikan dan teknologi pertanian

NST 12/12/19 4
KOTA KINABALU: Universiti Malaysia Sabah komited dalam meningkatkan prestasi khususnya dari segi pembangunan penyelidikan dan teknologi pertanian.

Naib Canselor Prof. Datuk ChM. Dr. Taufiq Yap Yun Hin berkata peningkatan pencapaian universiti mampu dicapai menerusi usaha ahli akademik dalam kajian dan penyelidikan.

"Tahun ini kita mempunyai RM7.5 juta peruntukan bagi tujuan penyelidikan dan dana ini akan kita manfaatkan bukan hanya untuk geran penyelidikan, bahkan untuk menambah keperluan peralatan untuk tujuan penyelidikan.

"Selain itu, kita juga mempunyai Fakulti Pertanian Lestari yang memainkan peranan bagi penyelidikan serta usaha dalam membangunkan teknologi dalam bidang pertanian,"katanya.

Beliau berkata demikian semasa berucap dalam Amanat Perutusan 100 Hari Naib Canselor UMS di sini kelmarin.

Menurut Taufiq, UMS mampu melonjak ke tahap lebih baik menerusi sumbangan ahli akademik dan pelaksanaan sistem birokrasi yang berintegriti.

"Sekarang semuanya berdasarkan kelayakan merit dan peruntukan yang sewajarnya, bukan melalui surat sokongan atau sistem lain-lain yang tidak berintegriti, yang salah dan tidak wajar dilakukan,"katanya.

Hadir sama dalam majlis tersebut ialah kakitangan akademik dan bukan akademik UMS serta para pelajar. **-Oleh: NOOR ZAFIRA SHAFIE**